



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Canonizatio.

urn:nbn:de:hbz:466:1-10447

hil) sed in hoc genere petitionum, visum est scribendum, ut doceant de persona, & de beneficiis, & de reliquis, vide *inf. in ver. parochia*, §. 4.

Septimò, quomodo capienda sit canonicatus possessio? vide *in ver. possessio*, tamen hoc respondetur obiter, præter ea, quæ ibi dicuntur, quòd non potest dari locus, seu stallum in choro, nec possessio canonico, nisi à majori parte cap. Nav. & *conf. unico, de dol. & contum.*

Octavò, quia dictum est *in ver. beneficium*, §. 6. *ver. quoad secundam partem*, fructus omnes, & redditus beneficiorum pertinere ad Reverendam Cameram Apostolicam durante vacatione, usque ad pacificam possessionem successione, prout in Bul. Greg. XIII. & Sixti V. Dubitatur an idem dicendum sit de canonicatu vacante, verbi gratia, sunt viginti quatuor Canonici, moriuntur duo, vel unus, an redditus illorum, vel istius pertineant ad Reverendam Cameram, prout supra; Et videtur quòd sic, quia Bulla non excipit canonicatus: tamen oppositum est verius, quia canonicatus non habet successorem propriè, unde quæ vacationis tempore veniunt, dividuntur inter superstites, quia neque pars, quæ obvenisset defuncto, reservatur successor, ita Nav. *con: 20: de celeb: Miss.* non obstat contrarium, nam intelligitur, quando in beneficiis daretur successor, & ita vidi praticari Benevent. Neap. Compzæ, & alibi, hoc limitarem, non procedere, quando Canonicus haberet præbendam distinctam à canonica, quia tunc præbenda subesset Reverendæ

Camere Apostolicæ, pro tempore vacationis. ratio est, quia fructus præbendæ essent successoris regulariter, & non eos recipiunt Canonici durante ipsius vacatione.

Nonò, est consuetudo in aliquib. eccl. ut canonicus factus sacerdos non gaudeat communibus redditibus nisi transacto triennio serviendo hebdom. interim, prout Minori in Eccles. mea Ravelli, & aliis locis, & per interim, solum lucretur extraord. ut mortuoria, & his similia, an ista consuetudo valeat. Respondetur, quòd sic, cum sit immemorabilis, ut dictum est *in versic: consuet. & in ver: confessio*, confirmatur ex Staph. f. 7. n. 7. & 8. asserenti canonicum creatum, gaudere distributionib. quotidianis, sed non communibus redditib. & super excrecentib. fructib. nisi quando provideretur cum clausula, cum plenitudine Juris Canonici, idem f. 4. n. 11. & f. 176. n. 2. Gom. *de expe: n: 37.* ubi dicit dari canonicum in herbis, & est ille, qui habet canonicatum, & non adhuc præbendam.

CANONIZATIO.

PRimò, solus Papa canonizat Sanctos, & ob quam causam, vide Innoc. *in rub: de rel. & venerat. Sanct. nu. 2.*

Secundò, potest quis alicui defuncto, quem credebat bonum virum, porrigere preces, ut pro eo intercedat ad Deum, sed non licet facere officium solenne, vel solemnes preces pro eo, idem *loc. cit. n. 4.* & ita audivi quendam annis elapsis porrexisse preces Patri

Cam.

Campiano Iesuitæ martyrizato in Anglia, & tulisse secum lintheamen intinctum sanguine illius, quando fuit decollatus, pro reliqua ipfius.

Tertiò, licitum est fundere preces, & vota, & affigere miracula circa sepulchra Sanctorum, etiam non canonizatorum, Viguer. tract. de tract. si. c. 10. §. 3. vers. 15.

Quartò, miracula verò quando Episcopus debeat cognoscere, & an aliquando sint gratiæ, potiùs quàm miracula, vide inferiùs in ver. miraculum.

CAPELLANUS,

Pro mercede Capell. sufficiunt quinquaginta aurei, ita sac. Cong. decl. 206. in meis. sed in constituenda mercede in servientibus aliis beneficiis curatis, observari debent decreta Concil. Trid. eadem sac. Congr. declar. 207. & est videre sac. Conc. sess. 7. sess. 21 capitulo primo, de reform.

CAPELLANIA.

Primò, potest fundari Capellania, absque auctoritate Ordinarij, sed non dicitur beneficium ecclesiasticum, c. cum dilectus, de jure patron.

Secundò, in ea Capellanus potest poni ab ipso fundatore, vel ejus hæredibus absque Ordinarij institutione, licet non sine ejus approbatione, prout dictum est in ver. beneficium, §. 1. ver. ad dignitates, concl. 14. & ista non cadit sub spolio durante vocatione, donec fundator, seu illius hæredes alium sacer-

dotem suffecerint pro Missarù celebratione, quia non dicitur esse beneficium ecclesiasticum, quando non est fundata auctoritate Ordinarij, & habeat quatuor illas conditiones, quas ponit Selva 1. p. q. 1. n. 8. & q. 3. n. 10. ubi dicit, quòd capellaniæ, seu altaria ubi Missæ celebrantur, tunc dicuntur beneficia, quando sunt fundata auctoritate Episc. nemo, de consec. dist. 1. & gl. in Clem. 2. de decim. Gom. in q. 20. de ann. poss. ubi dicit quòd altaria pro quib. officiantis dantur stipendia annua, & non dantur in titulum, non sunt beneficia, Selva prima parte, q. 6. num. ult.

Tertiò, Capellani, qui in certis Ecclesiis ad nutum removibiles, quibus capellaniæ non dantur, sed datur eis pro labore certum stipendium in anno in pecunia, sine aliquo alio possunt testari, & consequenter non faciunt spoliium, Gem. in. c. fin. vers. & idem gl. de offic. ordin. lib. 6.

Quartò, idem dicendum de quibusdam sacerdotibus, qui conveniunt in quibusdam consortiis, sive confraterniis vel universitatibus, in certis diebus ad cantandas quasdã missas, pro quibus habent quasdã possessiones, ex quibus datur certum quid cuicunque illorum, Gem. loc. cit. vers. per pramissa.

CLAUSULA.

Clausula (omni meliori modo) quæ vulgò inferitur in libellis, comparationibus, & aliis replicationibus, si apponitur sine copulativa, & operatur circa expressa tantum, sed si dicatur, & omni meliori modo, tunc opera-